

午4
2

保嬰輯要



同治己巳嘉平月金陵興善堂刊

保嬰車唱要

板存金陵評事大街綾庄巷內何文豐刻字店



序

天地之大德曰生其所以弥六合歷萬古而
不息者莫不運大生廣生之量以化育
於其間而人、賦稟為獨貴古聖王體
天立物而使之各遂其生世奈何尚有弱
女之風其慘酷為何如哉夫涸轍之魚



密羅之崔程待拯援况為同類見童

子之入井則必惻怛說救况孺已生

生之而已殺之天倫之斷國憲攸干釀

而為世劫為家雖其故非淺鮮也我儕

兵革餘生太平共慶疊奉大憲諭示

修善舉而萃澆風潤心民瘼者甚



摯陳基朱君九蘭體此意以行善於
鄉又秉回年雪泉徵君庭誥手訂
保嬰輯要一書刊以行世由此漸推
漸廣使呱者脫賊頂之灾而登衽席
其福德為無涯矣書成辱為弁言予
縱不文曷敢辭是為序



同治丁卯季夏青浦王紹基謹書



保嬰緝要目次

王紹基原序

江西學使救溺勸言

朱氏自序
例言

文帝孔示貴中孚戒溺女文

關帝戒溺女歌

呂祖勸戒溺女詩

勸戒溺女歌

陳龍圖戒溺嬰歌

施愚山戒溺女歌

勉行編



代嬰孩乞命詩

蘇文忠公黃鄂救嬰誌

救嬰大畧

保嬰會知單式

懲惡效驗

莊一夔痘詩

十二繪像圖說

蘇文忠公與朱鄂州書

彭凝祉先生濟溺說

保嬰會記畧

勸善效驗

續編婦嬰要言

生塵各方稀痘各方
附內

稀痘神方碑刻蘇省府廟



督學江鹵使者何欒諭

救溺勸言

民間溺女之風各省多有江右尤甚余去夏

在任即聞

大中丞沈

出示嚴禁時方出

按各郡未暇致詳今春劉大令向陽以慈航
普渡集見示並屬製勸言埭其後余受而



讀之則昔人良法及中丞新立條教備具其中
嗚呼人莫忍於戕而生事莫急於見其死
何疊經大府屏吏善人君子苦口危言而蚩
者耳竟若無聞心竟不稍轉哉夫育嬰宜
有堂則既設矣堂宜有規條而規條則既詳
明而簡盡矣後以勸之有然法窮則變則
通今於誥誠策窮之後曲施補救之方竊以

為莫若誘窮民以利而懲富民以罰何者政無
不教之誅法以得情為貴況天道損有餘而補
不足誘貧者以利所以補之也而仁已施於法之外
懲富者以罰所以損之也而義即行於法之中請
試言之夫貧民之溺女不過日艱於乳耳其於遣
嫁固未及計也嘗見吾皖甯太一帶世家舊
族痛恨此風於育嬰堂外更立有會之設可



城可鄉可立局可不立局不假吏胥不雇乳婦夫

姓則一族自為一會謀牲則一都一國共為一會

會中經費擇族人鄉人之殷實廉正者主之有生

女者報入會中給以乳噴聽其自養或銀數兩

或錢數千或週歲時復給一次或僅始生時一給

而止行、既久貧人利、往、懷妊時即相告以生

女勿悲者甚有生男而反惜不如生女之可贍



目前者法簡而功易集費少而民樂從不必
有育嬰之名而所全實多此所謂誘之以利而
貧者有不惟利是趨而戒溺之恐後者乎雖然

是會也本以周貧而非以繼富、之弊則亭林老
人有言侈於殯埋之飾而民遂至於不葬其親
豐於噴送之儀而民遂至於不舉其女大抵富
家之於女不以乳哺為艱而以噴送為累今若禁

其溺而以予貧民之數金予之且將不顧而唾

矣顧溺女律有以禁既不能啗以利之何可欲

當示以法之有必懲查律載生女溺斃者照故

殺子孫例杖六十徒一年族隣保甲知情不行救

阻阻知情謀害不即阻擋治罪今必會立約即

仿杖徒折贖之例使其所罰之數倍於所遣嫁

之數有不受罰者親族共鳴之官按杖徒律治



罪如此則富民不敢犯溺女之條而罰款所入
即藉以充會中經費不且一舉而兩得乎此所
謂德之以罰而富有不唯財之是惜而懼罰
將罹者乎夫人之差等不齊大要不出貧富兩
途誠有此法而仍有自弱其女者非忍則妾吾
固意其必死是也第俗莫艱于革舊而事
莫難於圖始誠有好善之士一以詔十以詔百



至於千萬相率而為是會以輔育嬰之所未
備以無負劉君諄勸之殷是則輔軒使者
厚望也時同治三年暮春修撰

月譜

眾如個富




今使執途人而語之曰爾盍殺人其人必愕然驚何者殺人則干犯國律非有深讐切恨必欲甘心者不敢試且不忍試也嬰兒與人何讐而溺之恬不爲怪乎夫己生之而已殺之鷙禽悍獸猶所不爲彼呱呱者在父母縱不以爲子夫獨非天子之民耶

殺天子之民其罪奚若聖人言之矣忍於殺子何人不忍敢於殺天子之民何人不敢此所以

召天災而釀巨劫也今春里居聞近處有溺嬰者心
爲惻然繼念此等惡習何處無之近刻善書未嘗不
以此事爲戒特無有彙爲一書者因搜擇故紙輯成
是編首以神聖之訓冀人敬聽也繼以昔賢之言勗
人奉行也終列勸善懲惡示人因果報應也仁人君
子大生爲念見此書而慨然舉行將見舉行於一鄉
而一鄉之嬰保舉行於一邑而一邑之嬰保愈推愈



廣消殺機而鬯生機其造福於斯世者豈淺鮮哉
同治六年丁卯歲五月崑山朱惟沅謹誌



例言

一是書未見專刻今係採輯各書欲使愚智共曉故
隨所見聞并友人鈔示擇其剴切動人者錄之其
詞章雖佳語不肫懇者悉不收入閱者勿嫌鄙俚
是幸

一是舉初意原不過爲敝鄉設法豈知善有同心附
近俱已仿行因思口舌未能遍及刊刻可以流通



同志諸君子肯不棄芻蕘多方勸道幸甚幸甚

一既已留養或產母感恙嬰兒得疾無力延醫猶之
死也今從婦嬰至寶並達生編福幼編摘錄數方
得其大要庶不致悞如欲詳細請觀原書祈鑒苦
心勿鄙率畧

一 是書須詳講與婦女鄉愚俾咸知聽從舊有圖畫
今附卷末取其觸目警心也

保嬰輯要

凡小兒疳積者宜服此藥以化積消食

此藥專治小兒疳積肚大青筋面黃肌瘦

不思飲食或泄瀉或嘔吐或發熱或咳嗽

或驚風或抽搐或夜啼或腹痛或便秘

或泄瀉或痢疾或感冒或發熱或咳嗽

或驚風或抽搐或夜啼或腹痛或便秘

或泄瀉或痢疾或感冒或發熱或咳嗽



保嬰輯要

武陵貴中孚作戒溺嬰文未嘗示人

文帝將全文札示更增益數句諭陳喜亭曰爾速報

中孚力刻廣傳自有福報勸駕者亦有功焉中孚

私室撰文已蒙 札諭驚喜交集刊以勸世

易曰乾道成男坤道成女有男女然後有夫婦有夫
婦然後有父子人之所以不絕者男女媾精生生不

息而已近世乃有絕滅生道而溺女者殊爲不解求
其故或以生育太多厭而溺之或以屢產皆女忿而
溺之或以養女需乳不利速孕急而溺之不知多子
爲福七子八婿傳爲美談生育之繁何厭也父精母
血妙合成形爲男爲女均屬骨月莫非子也而忿之
耶至子息之有無遲早命實主之人而無子正宜積
善祈天人而晚子益宜培養元氣乃溺其現生之女

而妄冀未生之子一念嗜殺上千天和愈溺女愈生
女幾見溺女而可以速男者乎顧有藉口於家貧莫
瞻嫁奩無資者豈知天不生無祿之人饑寒飽煖原
有定數前之不以無女而能富今詎以偶有此女而
遂貧出繼撫養生路多端開一面之網可也至於嫁
奩則稱家有無吾見世有貧兒終身難娶者未聞有
貧女終身難嫁者使女家不責其男家之物彼男家

甯責其岳家之貲而甘於不娶乎思及此則女之無
容溺尤大彰明較著矣若夫富貴之家或誤信堪輿
之說謂女山不利擇婿實難不如早爲之所堪輿經並無

此胡說不知何人作偏抑思佳兒佳婿司之自天婦德婦工

教之由我盡其在我而聽其在天何用過慮况姜宇

不過暫爲人牧呂子衡未必久貧脚三國範禍水一益

何如糟糠半世乎富貴人而出此尤爲不仁之甚者



也下及私胎一節似萬無存留之事矣然既犯首惡
復殘生命是罪益罪也不如書明生庚置之道傍若
男若女聽無子婦者之攜抱猶爲曲全之術耳夫赤
毛堤下爲宋夫人虎乳澤中得楚令尹厯觀史冊就
謂此盡無好人此窮於溺而猶可濟乎溺者也稽古
在昔女之以節烈顯親者代有傳人女之以含冤作
祟者難更僕數觀木蘭之代父從軍緹縈之上書救

父人患無女耳其肯溺乎觀陳氏之紅蛇纏股元秀
之牛蹄轉床則嗟何及矣其敢溺乎噫未之思也身

從何來匪母何以有我子甫黃口擇婦便費經營今

日生女之母當年未溺之女也思前想後推己類人

此一段一珠忍使呱呱弱息永恨覆盆也哉嗚呼痛哉淋

淋血胞欲語何能母魂甫續子命旋傾天乎人乎天

欲生之人欲殺之逆天者亡殺人者死讐怨相尋得



不於若身而神其報耶此六增媯極帝君語云三代不育

女者其家必絕蓋使一人溺女人咸效之則人將無

女矣人將無女則人將無妻矣人而無妻則人將絕

矣彼欲絕人天甯不早絕之乎此又往復之必至者

也又况例設育嬰堂收養嬰赤凡溺女者以故殺子

孫論縱不畏冥誅獨不畏顯戮耶夫雞雛揜殼而死

猪子出胎而亡人猶惜之虎狼不傷父子螻蟻尚且



傷嬰軀要
貪生人獨忘歟覆巢破卵鳳凰不翔其邑剝胎殺孕
麒麟不至其郊物傷其類也矧伊人也自傷其類禽
獸何若焉總之愚人不禁情慾嬰兒有何罪愆彼昏
不知得吾說而存之庶不失天地生物之心而坤德
其無疆矣

按戒溺文作者甚多求其如此篇精義兼到者目
中罕見可爲集衆說之大成而無復加者也凜之



關帝戒溺女歌

乾坤爲天地。命脈寄男女。去女祇存男。天地亦殞殂。
爾身從何來。有父必有母。試作獨陽夫。禋祀斷厥祖。
爾若生男兒。便想娶媳婦。如何生女嬰。便恨入肺腑。
呱呱纔下地。水殺甚刀斧。哀哀無辜孩。方思託恃怙。
霎時到人間。頃刻歸下土。若爲粧奩計。有無皆由汝。
若爲女產多。放生有常所。凡此皆易圖。何遽殺其女。

若爲養子計。男女一般乳。殺女求男兒。男兒豈到汝。
忍心殘性命。自謂人無語。不知人成形。天地實作主。
纔生便加殺。真與天地忤。天地爲慘傷。鬼神爲恚怒。
當富籍已除。當貴榜不取。墮身地獄門。受罪閻羅府。
奉勸世間人。至性在兒女。牛犬方戒殺。何自殘骨肉。
養育父母恩。昊天其鑒汝。善惡到頭報。第一戒溺女。

觀音大士戒溺女說



世人忍心害理。不畏天地神明。溺死子女之罪。干生
萬劫纏魂。無女不致家富。有女未必家貧。如謂力
能養。何不絕慾寡情。如謂力不能嫁。何不抱送於
人。無謂養女無益。誰人生汝母親。汝身何自而得。汝子
何由而成。更看穎娘惡報。號泣哭死。非輕人能知。而
速改寵綏福祿無垠。

呂祖勸戒溺女詩二十首



大劫由來爲殺生。殺生莫甚溺孩嬰。狂瀾旣倒雖難
挽。且寫胸中惻怛情。

爹娘兒女最相親。骨肉同根合一身。禍水忽從天上
降。可憐有口苦難伸。

赤子初生豈有辜。唯知宛轉泣呱呱。親生親殺心何
忍。只恐神明暗裏誅。

胞胎甫脫血淋漓。滅項罹凶在片時。哀喚雙親親莫

救旁觀乍見亦生悲。

莫說男兒勝女兒。女兒好處豈難知。君看扶養雙親疾。女勝男兒事事宜。

落英滿地泣殘紅。母命初全子命終。漫道上天無報應。人間多少老孤翁。

西子無辜付甬東。屈原沈沒汨羅中。後人猶向江頭弔。何待嬰兒念轉凶。



傷身軀要
殺人償命禍難消。人世冤讐報復昭。况復親生親骨
血。君知溺死怎能饒。

莫說嬰兒未有知。無知愈可令人悲。傷心宛轉覆盆
內。至死哀啼沒一詞。

老牛舐犢燕乳兒。脩竹成陰蔭小枝。物類生全皆率
性。何人殘忍乏仁慈。

雖由困苦兩難全。溺女免貧未必然。不若安心勤撫



養他年還有聘身錢。

最惡人間富厚家。門楣喜事本堪誇。奈何生女同歸。溺孽鏡臺前莫自嗟。

維持風教屬儒生。一念癡迷亦溺嬰。桂殿香消芸閣冷。桑榆日暮泣寒荆。

更有求男溺女徒。憑君溺女女偏多。不知子嗣由天定。無女無男可柰何。



若還私語約蘭房。珠蚌含胎秘閣藏。身已犯淫休犯
殺。勸君抱置富家旁。

更勸賢良富厚翁。有錢救溺積陰功。定看餘慶綿元
裔。百祿自天錫爾躬。

縉紳名望一鄉推。風俗醕良賴爾培。勸化愚徒休溺
女。芝蘭玉樹滿庭栽。

爲官本是救民生。保赤誠求澤似春。養得太和元氣



厚。公侯萬代屬何人。

諸子同壇本夙緣。育嬰事業獨居先。上天最重生生德。至善功成百福全。

婆心苦口慮多端。拭淚題詩淚未乾。祇爲消除塵世劫。不嫌親自下瑤壇。

勸戒溺女歌

乾爲父。坤爲母。乾道成男。坤道女。是男是女。一般生。



堪歎人家多溺女。纔落地本無愆。耳目手足六根

全。只因未賦男兒體。要圖生路竟無緣。父不要母

又嫌呱呱血胞向誰憐。毒手婦人狠心漢。登時便把

女兒淹。手脚拳。兩眼睜。數聲汨汨命歸陰。遍體皮

膚俱受損。上干天怒鬼神驚。古陳婦溺女時紅蛇

纏繞不差池。元秀溺女報在子。自身手足變牛蹄。

這其間多報應。無柰世人都不信。或嫌多女或愁窮。



或圖生子早懷孕。獨不思子由命得子早遲前數。

定命裏有時終須有。切莫糊塗把女浸。窮生女愁。

包纏怕的日後要賠奩。不思嫁女隨人便。那箇還要。

女家錢。多生女不須愁。一家養女百家求。世間無。

數單身漢。未見人家女白頭。莫言女生外向緹縈。

救父把書上。盧姑喂虎救娘身。這是不溺女兒樣。

就眼前論世情。家家妻媳皆人生。若盡溺時生理絕。

婚姻匹配禮何成。請推前復想後喪心溺女事莫

做。若還執意不肯留。育嬰堂內是生路。鄉村遠難

送堂且自洗起作商量。出撫過繼隨君便。免得包纏

費洗漿。生路多歌不盡。歌甚淺兮容易聽。但得世

人互相傳。存心自有天報應。

陳龍圖溺嬰歌

虎狼性至惡。猶知有父子。人爲萬物靈。柰何不如彼。



生男與生女。懷抱一而已。我聞殺女時。其苦狀難比。
胞血尙淋漓。有口不能語。伊嚶盆水中。良久得乃死。
吁嗟父母心。殘忍一至此。我因勸吾民。毋爲殺其女。
荆釵與裙布。未必能貧汝。女性最柔慈。愛親甚於子。
男子多出外。女恒守父母。男子多違拘。女恒順父母。
男子多遠遊。女恒近父母。男子少悲哀。女恒哭父母。
女有孝順心。每每救父母。女有好夫君。每每顯父母。

不觀緹縈女。免其父刑苦。不觀唐香女。救父而扼虎。
單氏年十八。能令父喪舉。曹娥年十四。沉江覓父體。
古女賢孝儔。甚多難筆記。有司或表閭。朝廷或欽賜。
也有爲嬪妃。也有夫人類。若能存他命。報施應不悖。

施愚山溺嬰歌

勸君莫溺女。溺女傷天性。男女皆吾兒。貧富有定分。
若云養女致家貧。養兒豈必皆怡親。浪子千金供一



擲良田美宅等埃塵。若云舉女礙生兒。後先遲速誰能知。當階玉樹多先折。老蚌雙珠不厭遲。有女莫愁難遣嫁。裙布荆釵是佳話。婚不論財禮義存。擇婿安貧免牽掛。漫憂養女玷家聲。爲兒娶婦亦關情。淫先萬惡君當省。不種孽根孽不生。富者溺女轉蕭條。忍心聚斂家暗消。盜賊天災與訟獄。任君百計總難逃。貧者溺女終不富。家無擔石身無褲。男耕女織衣食



北京中医药大学图书馆版

豐何如骨月圖完聚。溺女求男男不來。暮年孤獨始
悲哀。不如有女送終去。猶免白骨委蒿萊。勸君莫殺
女。殺女還殺子。仁人有後惡人亡。桂折蘭摧疾如矢。
勸君莫殺女。殺女還殺妻。生殄嬰兒死索命。牽衣地
獄徒含悽。勸君莫殺女。殺女還自殺。孽寃相報幾時
休。轉劫投胎定天札。孺子入井尚堪憐。何辜生女喪
黃泉。及笄往嫁尚垂涕。何忍懷中便相棄。古往今來



多殺機。可憐習俗不知非。人命關天況骨月。莫待回頭淚滿衣。

勉行編

各郡嬰堂之設。最爲善舉。然往往積久弊生。將堂中出息。供董事之宴會。任經手之侵蝕。輒言產薄。不能廣育嬰孩。而抱送到堂者。閩人又多嚇詐。至送兒者。夜半擲兒於門外。致嬰兒有投河入廁之慘。務望司



其事者顧名思義。一以育嬰爲事實。心收養則造福無窮矣。

人莫大於倫理。情莫篤於父子。世莫重於生命。情莫慘於殺傷。痛莫切於嬰赤。罪莫甚於違天。禍莫凶於強死。逆莫過於戕先人之遺體。耻莫甚於不如禽獸。溺嬰者竟冥然蹈之。爲官長者宜理論勢禁實力勸懲。族長則立法以禁族衆。祖父則立法以禁子孫。富



家則立法以救貧寒。士人則多方以勸其里族親朋。
此風庶可永息。鄉間不能建嬰堂。可設公局於育
嬰之家。每月給以錢米。或保送嬰堂。以全其性命。

代嬰孩乞命詩十首

落花聲斷更何辭。有口難言痛自知。情極忽聞開口
訴。染將血淚寫新詩。

阿娘也是女郎身。記否明珠掌上親。若是女兒應不

養阿爹作配更何人。

年年求子遠燒香。有子還思娶媳娘。無女何從得新婦。如何更望子孫昌。

原知奩嫁費多金。家道清貧計慮深。若得目前全性命。荆釵裙布也甘心。

莫以賠錢厭女胎。須知閨閣亦多才。他年親老如貧

苦。半子何妨靠傍來。

哀求哥嫂勸雙親。也是同胞一本人。嫂若生兒妹能
抱團鬪骨月一家春。

乍得人身作女嬰。自知口祿本天生。婆婆婆婆若肯垂憐
救。勝念彌陀十萬聲。

收生阿嫂發慈悲。勸我爹娘意念回。保爾百年康且
健。無災無病見如來。

拜懇官紳作主張。保嬰勸禁熱商量。願他萬代公侯



顯。絲。繡。平。原。奉。瓣。香。

宛。轉。呼。號。苦。莫。伸。鄉。鄰。應。有。善。心。人。救。人。一。命。陰。功。
大。定。有。神。明。鑒。察。真。

蘇文忠公與朱鄂州書

朱壽昌字康叔爲鄂州太守卽今坊本所刻二十四孝中棄官尋母者其賢可知

軾。啟。近。遞。中。奉。書。必。達。比。日。春。寒。起。居。何。似。昨。日。武。
昌。寄。居。王。殿。直。天。麟。見。過。偶。說。一。事。聞。之。酸。辛。爲。食。
不。下。念。非。吾。康。叔。之。賢。莫。足。告。語。故。專。遣。此。人。俗。人。

區區了眼前事。救過不暇。豈有餘力及此度外事乎。
天麟言岳鄂間田野小人。例只養二男一女。過此輒
殺之。尤諱養女。以故民間少女多鰥夫。初生輒以冷
水浸殺。其父母亦不忍。率嘗閉目背面。以手按之水
盆中。啣嚶良久乃死。有神僊鄉百姓石揆者。連殺兩
子。去歲夏中。其妻一產四子。楚毒不可堪忍。母子皆
斃。報應如此。而愚人不知。割艾。天麟每聞其側近有

此輒馳救之。量子衣服飲食。全活者非一。旣旬日有無子息人。欲乞其子。輒亦不肯。以此知其父子之愛天性故在。特牽於習俗耳。聞鄂人有秦光亨者。今已及第。爲安州司法。方其在母也。其舅陳遵夢一小兒。挽其衣。若有所訴。比兩夕輒見之。其狀甚急。遵獨念其姊有娠將產。而意不樂多子。豈其應是乎。馳往省之。則兒已在水盆矣。救之得免。鄂人戶知之。準律故



殺子孫。徒二年。此長吏所得按舉。願公明以告諸邑。令佐使名諸保正。告以法律。諭以禍福。約以必行使。歸轉以相語。仍錄條粉壁曉示。且立賞名。人告官賞錢。以犯人及鄰保家財充。若客戶則及其地主。婦人懷孕。經涉歲月。隣保地主無不知者。若後殺之。其勢足以相舉。覺容而不告。使出賞固宐。若依律遣行數人。此風便革。公更使令佐各以至意。誘諭地主豪戶。



若實貧甚不能舉子者。薄有以賙之。人非木石。亦必樂從。但得初生數日不殺。後雖勸之使殺。亦不肯矣。自今以往。緣公而得活者。豈可勝計哉。釋氏數殺生之罪。推及胎卵六畜。猶爾。而況於人。俗謂小兒病爲無辜。此真可謂無辜矣。悼耄殺人猶不死。况無罪而殺之乎。公能生之於萬死之中。其陰德十倍于雪活壯夫也。昔王濬爲巴郡太守。巴人生子皆不舉。濬嚴



其科條寬其徭役。所活數千人。及後伐吳。所活者皆
堪爲兵。其父母戒之曰。王府君生汝。汝必死之。古之
循吏。如此類者非一。居今之世。而有古循吏之風。非
公而誰。此事特未知耳。軾向在密州。遇饑年。民多棄
子。因盤量勸誘。得米數百石。別儲之。專以收養棄兒。
月給六斗。比期年。養者與兒。皆有父母之愛。遂不失
所。所活亦數千人。此等在公。如反手耳。恃深契。故不

自外。不罪。不罪。此外惟爲民自重。不宣。軾再頓首。

天下事莫大於人命。則仁術之施。亦莫大於救人。

之命。蓋天地好生。物情惡殺。初生孩赤。尤屬無辜。

出諸死地而生之。關係正非淺鮮。坡公之文。本胞

與之公。爲天下萬世千百萬及溺嬰孩。號呼請命。

是何等心腸。是何等手筆。乃近時選家。以此等文。

無聲調可摩。似無益舉業。豈知讀此等文。而能爲

此等事。正是儒生極大經濟。爲善無不報。命尙可造。何論舉業。有心者幸三復之。

蘇文忠公黃鄂救嬰誌

近聞黃州小民。貧者生子多不舉。初生便於水盆中。浸殺之。江南尤甚。聞之不忍。會故人朱壽昌康叔守鄂州。廼以書遺之。俾立賞罰。以變此風。黃之士古耕道。雖椎魯無他長。然頗誠實。喜爲善。乃使率黃人之



富者。歲出十千。如願過此者。亦聽使耕道掌之。多買米麥絹絮。使安國寺僧繼蓮書其出入。訪問里田野。有貧甚不舉子者。輒少遺之。若歲活得百箇小兒。亦閒居一樂事也。吾雖貧亦當出十千。

幸有樂善不倦之人。恐終身難遇一命之緣。正好取用此法。力行廣推。深種善根。若誓行善事若干。之人。更苦終日無善可爲。唯有救活一命。陰功百。

倍。況小財大用。人命關天。天地之德曰大生。此命亦在大生之內。父母之恩曰罔極。此命同在罔極之中。節寒士之束脩。亦有獻洛除刑之意。出匹夫之片紙。卽同赦過宥罪之書。但得一命矜全。此心何等快活。況天道之報施不爽耶。

彭凝祉先生濟溺說

惜字之說。余深羨外官得造無涯之福。至溺子惡習。



尤欲爲魯天下嬰兒、哀號求救於民之父母也。試思
楊寶救一雀、而四世三公。宋郊活羣蟻、而大魁天下。
況以人命關係之事、較之揜埋棺木、戒殺放生、其功
德尤大數倍。爲懇上而督撫、下而守令、切須訪察某
處有此惡俗、卽嚴示禁止、責令地保鄉鄰呈告、出首
者懸賞以示鼓勵。容隱者並其父分別責處。果能實
力行之、卽此一事、可以廟食百世、澤及子孫、無窮矣。



昔喻仲寬知順昌。閩人有此弊。公作戒殺子女文。召諸鄉父老轉勸。不半年。百姓感格。所活者皆以喻名。其子賈彪爲新息長。民多不畱子。彪嚴爲例。與殺人同罪。城南有盜劫害人。北有婦人溺子。公出掾吏欲引南。公怒曰。賊害人。常理。母殺子。逆天。遂北行。案致其罪。城南賊亦面縛自首。人皆呼爲賈父。又東坡先生與朱鄂州書。準律故殺子孫。徒一年云云。余按嘉

湖富家亦復如是。若不罰之以財。懲之以法。不能禁止也。其貧者勸令紳士糾造育嬰堂以贍之。庶幾久久可行耳。余創建一會。察貧戶之欲溺者。急止之。月給米三斗。三歲爲止。後有某翰林獻詩。見余拜焉。卽所救溺女之夫也。嗚呼。余欲勸人之不溺。彼已心如豺虎。報應亦所不畏。不得已哀鳴於官。官又以爲不急之務。而不採狂夫之言。然則盻天下之嬰兒。竟聽

其死於非命而不爲之所哉。安得有萬代公侯之人。忍坐視其淪亡。而不實力以謀會濟乎。

救嬰大畧

人生幸際太平。幸值溫飽。便須孳孳爲善。多貽後人之福。縱有衣食以豐之。非爲善則恐福田之不廣。縱有詩書以訓之。非爲善則恐丹桂之無根。但一切方便陰功。誰曰非善。要不如救命之真。一切戒殺放生。



誰曰非真。要不如救人之大。特是救人一事。有費數千金。未見確救一命者。惟有戒溺嬰兒之法。能拯人。卽實在救活一命。自古朝廷設法。神聖垂訓。或分建養堂。或公僱乳母。法非不善。人猶多迷。送養則阻於作賤之浮言。自養則狃於賠錢之過慮。卽在仗義行善之人。亦慮事體重大。謀始圖終之難。是以另立一法。立念舉辦。同心者衆。固可大其規模。協力者少。



不妨約其限制。可以數人共行。可以一人獨舉。一里數里。畫疆可守。一月數月。計時可爲。至於仁人而在高位。賢者而擁厚貲。更可由暢引伸。廣施仁術。又况人之好善。誰不如我。此地爲之。彼地豈無爲之者。今日爲之。後日豈無爲之者。使人人有此立願法。則家家皆有育嬰堂矣。

保嬰會記畧

溺嬰惡俗。向干例禁。各州縣舊有育嬰堂。而鄉僻寫
遠。抱送爲艱。以故貧乏之家。生畜稍多。往往淹斃。呱
呱墮地。竟遭戕害。宛轉水中。良久乃絕。滅倫傷化。慘
不忍言。近年遭兵火後。生計艱難。此風日甚。一日有
力之家。亦多相率效尤。習俗相沿。恬不爲怪。有心者
志切救援。苦無良法。遂本東坡先生與朱鄂州書而
參酌之。其法各就近方隅。捐集一會。每會二千五百

文有力者。自一會。至十會。數十會。費大者。功鉅。力薄者。或兩人舉一會。或數人合一會。積少者。成多。收存公處。盈數則存鋪取息。可以生生不窮。出貼傳示。凡本境有生嬰而不願舉者。勸止勿溺。許助錢米衣服。由鄰里作保。臨產卽給小兒棉襖抱裙等。約費錢六百文左右。產後給產母糜粥錢四百文左右。自後每月給小兒糕粉錢四百文。令其自行撫養。以半年爲

斷計費合三千五百文。可救一嬰之命。在貧者因助而思留。因留而生愛。因愛而得保。緣小兒養至半年。嬉笑已動人憐。爲母者乳哺已久。豈忍取諸懷而棄之。多有不肯捨離。勉力留養者。是暫時資助。顯以阻其殘忍之狠心。而數月攜持。隱以發其慈愛之天性。之死而致生之。以仁心爲仁術。誠如坡公書中所云。但得初生數日不殺。後雖勸之使殺。亦不肯也。其有



實不能留者。仍由鄰里知會局中妥爲安置。給人代
養。滿期給還。半歲幼孩。較初生血泡易於鞠育。可保
生全。事就近而易爲費不多而易集。但能多一處奉
行。卽多救一處之嬰。若一處保得一二嬰。推而至於
十處百處。其嬰命之得獲生全者。當不可數計也。

保嬰會知單式

啟者。某處如有貧戶。生產力難洗養兒女者。煩親鄰



報於某處公所。當給棉衣一件。棉抱裙一條。產後給糜粥錢四百數十文。以後每月給小兒糕粉錢四百文。半年爲滿。自後若再有淹溺者。經里鄰查察稟

官照例究辦。此知。如一家許若干願。救若干命。可畫疆立會收養。功德無量。

再者因地制定之法。給衣服錢米。量經費增減。如有遺腹子女。錢米加倍給發。必三年爲滿。保嬰而兼恤

嫠者也。此事極慘。且不常有。應破格待之。以示格外

體恤

勸善

明陳毅軒爲諸暨縣令。其俗苦嫁送之艱。生女多不育。陳嚴行禁止。益爲酌定嫁貲。分上中下三等。不得踰分。議婚之初。卽爲定約。并召諸鄉父老。保正於庭。勸諭之。使歸互相勸戒。民甚便之。其俗大化。後子仁錫。中天啟壬戌進士。探花及第。



國朝蘇州彭定求爲嘉湖道。嚴禁溺女。富家有犯者。輒罰以財。充育嬰堂。事詳所著濟溺說。孫啟豐亦會狀聯元。克繩祖武。至今科第不絕。

湖北沔陽生王烜。家貧遇考。輒賣卜。妻張氏有賢德。鄰有溺女者。張強爲抱養者。再乾隆甲寅。將入闈。夢神嘉其救溺之功。贈以貴髯。以手捋烜頤。烜驚醒。鬚

卽暴長。持鏡失笑。榜發中元。



嘉定徐觀察經未第時有相士善決休咎叩以功名
曰莫問功名年壽恐不永後復遇相士曰君滿面陰
騫紋必活數萬命矣非僅功名顯達且得生貴子果
連捷入詞館特未解活數萬命之說一日接友人書
云昔年蒙惠函禁溺嬰一節卽上之大府闔屬懲勸
大有成效蓋有友人作令廣東素稔彼處惡俗溺嬰
爲最寓書及之始悟相士之言有自來也是夜甫就



枕夢人聲喧嚷。急出視見紅光燭天。墮一魁字。豁然
驚寤。而子郝生。咸豐庚申。孫致祥。會元及第。郝狀元
及第。

懲惡

宋談訓之妻穎娘。怨己多子。以藥墮胎數次。後夢見
小兒索命。又產遂血崩而死。

呂鏊生二女俱溺。後生第三女。在桶中。忽大聲曰。我



被你溺死兩次。今特索爾命。益索你兒子同去。妻卽時驚死。未滿月兩男暴死。遂絕嗣。

收生婆柳氏。慣受人財。帮人溺女。益售打胎藥。取利

後。夢神責以貪小利而造大罪。命鬼割其舌曰。你勸人打胎。帮人溺女。嬰兒雖小。口不能言。盆中光景最慘。使你亦嘗此苦。將刀刺喉。其痛異常。醒後舌已拔出。大叫三日而死。




無錫鄒一桂。號小山。省試時。有人刻施善書。欲其捐助。鄒曰。我非吝財。人不敬重。反增罪過。是夜夢關帝叱之曰。爾讀書明理。亦爲此言。若人皆效。尤善路不幾絕乎。鄒叩頭謝罪。印送千本。以贖。後中傳臚。入翰林。每謂人曰。一言足以獲罪戾者。莫甚於阻人之善也。由此觀之。阻刻善書。報尙如此。况關性命之大者乎。乃有人曰。吾鄉無此風俗。目爲迂濶之行。殊不知

同鄉同里之中。其呱呱待救者。歲不知凡幾。特無人
來告。故耳不及聞。目不得睹。耳何得以妄言阻善機
哉。



竹葉青。其味甘。性平。入肺經。能清熱。化痰。止咳。平喘。治傷風感冒。咳嗽氣喘。痰多。胸膈不舒。嘔吐。泄瀉。疳積。小兒驚風。及一切熱症。最為神效。其功甚大。不可不備。凡患此症者。服之立見功效。誠為居家旅行必備之良藥也。



保嬰輯要續編

婦嬰要言

生男生女。夫命所招。蓋百世禋祀。夫家爲主。與婦人

何干。或連胎生女。亦人事之常。勿在旁嗟歎。令其氣

苦。曾見有不明公姑。患蠢夫婿。將婦報怨。每每致病

傷生。可悲可恨。凡此只宜寬慰爲主。又有將女溺死

者。忍心害理。後嗣不昌。



北京中医药大学图书馆版权所有

保胎以絕慾爲第一。平日又宜小勞。睡時須要兩邊
換睡。孕已知覺。卽用布一幅。六七寸濶。長視人肥瘦。
約纏兩道。橫束腰間。至臨盆時纔解去。名瘦胎法。

孕婦最忌暴怒。口不可出疾言。手不可用鞭撻。蓋怒
傷血氣。多有因此動胎者。且怒氣入胎。子生多疾。切
勿登高上梯。伸手高處取物。恐損傷胎氣。

飲食宜淡泊。不宜肥濃。宜甘平。不宜辛熱。六七箇月



後腐皮麻油二物最宜多食。一切宰殺兇惡修造等事不可看。龜兔亦不可看。

臨月服黃楊頭湯。寬胸瘦胎易生。

黃楊頭斲白糖撮陽春砂仁研一粒晨服不拘次數。

小產不可輕視。其將養須過於正產十倍。

臨產訣真言 一日睡 二日忍痛 三日慢臨盆

房中宜輕行輕語。不宜多話。令其得睡為妙。



房中冬設火盆夏貯井水飲食宜頻頻少與或雞鴨

肚肺等清湯更妙。坐時宜穩。坐時宜正。將身左右擺扭。

月數未足時或腹中痛痛定仍然如常者此名試胎

宜養血以安其胎若月數已足腹痛或作或止腰不

痛者此名弄胎不宜輕動均非正產之時切勿躁擾

疑惑。惟宜寧靜以待其時。能到此時必要養神惜力。上床安睡為第一。

產時覺腹內轉動當正身仰睡待兒轉身向下時時



作痛。試捏產母手中指節。或末節跳動。方與臨盆。卽

產矣。

穩婆雖用。揉腰擦肚。

全憑自家作主。

不可聽命於彼。

多致損傷。夫已勿令

產後上床。宜高枕靠墊。勿令睡下。膝宜豎起。勿伸直。

隨飲熱童便一盞。畧和陳酒。只宜閉目靜養。勿令熟

睡。恐倦極熟睡。血氣上壅。因而眩暈。然不宜高聲急

叫。以致驚恐。四壁宜遮風。

產後宜用鐵秤錘。或溪中白石子。燒紅入醋。令醋氣

三



入鼻。以免血暈。且收斂神氣。又能解穢。每日三四次。三日已。

生化湯。生新化痰。和血歸經。專治兒枕塊痛。甚效。惡露不行。血氣暴虛。保產聖劑。連服三劑。神效。如無病產母。亦可服二三次。百病不作矣。

全當歸 三錢
川芎 一錢
炮薑炭 夏四分 冬五六分

炙甘草 五分
桃仁 七粒 去皮尖 杵双仁 勿用



通脈湯 治乳少或無乳

黃芪生兩 當歸五錢

七孔猪蹄一對

煮湯吹去淨

油煎藥一碗服之覆面睡即有乳或未效再服必

通。新產無乳者不用猪蹄只用水一半酒一半

煎服。體壯者加紅花三五分以消惡露。

急救難產仙方

即保產無憂散

全當歸一錢

分酒浸

川貝母一錢

去心

羌活五分

細甘草五分

分



荆芥穗八分厚朴七分薑製蘄艾醋炒兔絲餅分酒錢四

生黃耆八分蜜炒枳壳六分川芎五分白芍錢一夏錢一秋錢一

一錢二分 用水兩碗薑二片煎八分溫服

方須戡足分量不可加減如三兩月胎動不安服

一劑即安五七月預服一劑臨產平安易生如臨

月服一劑順利無比或橫生逆產二三日及五七

日不下服一劑立刻順生母子平安矣此方救過



千萬人。如有仁人君子。轉刻施送。功德無量矣。

凡兒在胎。口有惡穢。生下時乘其啼聲未出。用棉包

指。拭去口中惡汁。則永無他疾。如不及。卽濃煎黃連

甘草湯灌之。用黃連五分甘草二分半熬濃汁與三五匙或用頂大原枝

生地一枝。煎濃汁。與數匙。待吐出惡沫。然後與乳。能

令出痘稀少。初生三五日。宜綳縛令卧。勿豎頭抱。

免致驚癇。宜將七八十歲老人舊裙褲。改作小兒

衣衫。令兒有壽。雖富貴之家。切不可新製絢絲綾羅。

毡絨之類。與小兒服。不惟折福。且易生病。至彌月。

賀宴客。切戒殺生。小兒四五箇月。止與乳食。半年。

後方與稀粥。周歲以前。切不可喫葷腥。並生冷之物。

令兒多疾。至二三歲後。臟腑稍壯。纔與葷腥。至薰炙。

煎炒肥羶椒辣雞鵝油膩之物。尤宜切忌。生菓生菜食之便成蟲積

凡兒每日卧後。用手順摩其腹。自胸前至臍下。輕輕。



摩四十九下。能順氣消食。

保嬰稀痘良方

自出之痘。凶多吉少。小兒將及。歲即宜相天時。審體氣。及早種痘。

生甘草一寸。橄欖一枚。劈碎同煎。間日服。服四五次。

後大便有黑物解下。再服兩次。共七次。即熱毒降也。

此方吳中沈香谷家行之。已不出痘三世矣。勿忽之。

保嬰出痘經驗第一簡易良方

金銀花

一錢

紅花

一錢

單桃仁皮

一錢去尖

大生地

二錢



荆芥穗 一錢
赤芍 一錢
全當歸 二錢
甘草 五分

右藥八味秤足。用水二茶杯煎至一黃酒杯。另用

小兒本人落下臍帶。用水洗淨。研垢炭火瓦上焙

乾。忌烟。研末。絹包。入藥同煎。儘日內陸續與小兒

服完。頭一日服藥。次日出痘。三日出功。不灌膿。亦

不結痂。須在小兒初生十八日內服之。有效。過十

八日不驗矣。以後時疫天花亦不傳染。蓋小兒



初生。但有胎毒。益無外感他病。所以用臍帶引藥入臟。用荊芥引毒外出。爲法至簡。爲功甚鉅。將舉世嬰孩。咸登壽域。未始非濟世之仁心仁術也。

又方專發悶痘

鰻魚頭一箇 鯽魚背勒結二箇 蝦鬚鉗二錢

蟾蜍四足尖一副 如遇冬令可於桑樹下掘之即得

右四味用河水一碗煎服。按悶痘不出。乃絕症

也。與其束手待斃。何不以此方試之。倘能發出。卽有挽回造化之功矣。

莊一夔痘詩

創成福幼十餘篇。待政名賢二十年。聊獻一知資證治。何期各處竟流傳。肆行消導真當戒。遠避寒涼最是賢。痘症首宐培氣血。一夔勉著遂生編。

蓋聞上古原無痘。建武年間痘始傳。若是虛寒宐附

桂倘無實火忌苓連精神壯旺方能出氣血傷殘不
保全素問諸書雖未及敬求虛實繼前賢

稀痘神方碑刻蘇省府廟

未周歲小兒每逢暑天除日用川棟子七箇洗小兒
浴連洗七年永不出痘如不信畱一處不洗卽出痘
慢驚屬虛寒溫補爲主急驚屬實熱清熱爲主二症
有寒熱之殊用藥有雲泥之異如抱龍牛黃等丸皆



清熱化痰之藥。急驚最爲對症。若慢驚之甚者。下喉
卽死。急驚與慢驚。全屬相反。急驚之症。小兒氣體
壯實。前數日發燒。令口鼻中氣熱。大便結。小便臊。忽
而驚風大作。喉中多有熱痰。用抱龍牛黃等丸。下咽
卽醒。再用清熱消導之藥。一劑而安。慢驚是病後氣
血不足。虛極生風。非脾腎雙補。薑桂同進。如何能愈。
近代醫家皆云。慢驚一症。先須驅風化痰。鎮驚往往

用金銀器物煮水。仍煎發散消導之藥。愈治愈危。良可歎也。慢驚之輕者。理中地黃湯內多用薑桂。亦可治愈。若虛寒至極者。非用附子不可。

大凡因發熱不退。及吐瀉而成者。總屬陰虛陽越。必成慢驚。並非感冒風寒。發熱可比。故不宜發散。治宜培元救本。加薑桂以引火歸源。必先用辛熱沖開寒痰。再進溫補。方為得法。



明陳毅軒爲諸暨令。俗多溺女。設法勸止。念民苦嫁資。定上中下三等。議嫁之初。卽爲定約。夫家勿爭厚薄。民甚便之。子仁錫探花及第。



莆田婦生女將溺。呼其媪取水。鄰婦林氏聞之。急往
勸止。曰不可。不可。洗兒起。助以養費。當林氏勸阻時。
媪恍見有神在林氏頂上。執簿書記。後林氏子入闈。
衡文者欲棄其卷。聞空中呼曰不可。不可。遂中。



蘇州潘功甫。無善不爲。念最苦之人。莫如荒年產婦。勸人各就災鄉。查造貧家孕婦。冊爲恤產保嬰之舉。產後給以棉衣二件。米一斗。錢二百文。麥熟爲止。嬰孩以得所助。不致淹死。產婦以得所助。而可保安全。先生沒而爲神。人所共知。



明南昌秀才鄧雲鶴。見其鄉多溺女風。作歌勸化。每
年以館穀之餘。捐錢十千文爲倡。偕同學集善會。出
帖買命。凡貧戶生女欲溺者。勸令畱養。每名助錢三
千文。分作半年。按月給錢五百文。行之三年。鄧聯捷
入詞林。同學亦多中式。







江西許大生妻陳氏。因怕賠嫁。連溺二女。後又生產。產下發暈。口中說道。有二箇女孩在床前吵鬧。快快趕他出去。大喊數聲。血冒而死。嘉慶五年七月十八日事也。





江陰有婦人。曾用灶灰悶死兩女。後又生產。腹中大
痛。三日不下。家中焚香拜許。此番生下。必不傷你性
命。忽聽肚中答應說道。我被你悶死兩回。今番要
同去見閻王。說畢。大痛而死。





遂安劉氏婦。連溺兩女。後生男。自乳。一日其男暈倒
地上。惚見兩小鬼咬住兩乳不放。又見執刀奇鬼指
婦人道。這是你淹死兩女冤魂。告准閻王帶來索命。
兩乳遂大痛。皆生瘡潰爛。數日死。男因斷乳亦死。






蘇城某氏婦。生產連日不下。痛極。百方哀告。忽聞腹
中云。我被你淹死兩次。今要與你同死。我待外公歸。
方下地。時外公在崇明。請歸。乃產人頭蛇身。蟠母腹。
啞其乳。三朝後婦與怪同死。遠近觀者甚衆。



杭州許氏。懷胎十月不產。腹常大痛。至十六箇月生
一人面蛇身。半身仍在腹中。痛數日而死。向其夫曰。
此我前溺死兩女變來索命。追悔也不及了。此事見
者甚多。

天
地
人
三
才
圖



四



北京中医药大学图书馆版权所有

收生婆柳氏。慣騙錢財。幫助溺女。聳人打胎。於中取利。夜夢神命鬼割其舌。并道你貪微利造大罪。嬰兒雖小不能言。盆中光景真可慘。白刀入口鮮血直噴。痛極而醒。舌已拔出。叫三日死。



天...
...
...



...



廣東張大妻葉氏。口雖念佛。心實狠險。連溺三女。死時蛆蟲滿身。其弟張一。夢見兄嫂被夜叉鎖跪闍王。怒指曰。你夫妻連溺三女。雖燒香念佛亦無用。罰他一變豬一變狗。十世不得人身。





巴東赫連傑妻。行多慘刻。每墮僕婦孕。生則逼使淹溺。恐多養多累。有妨工作。後見數小兒。口稱索命。爭咬其肉。徧身潰爛。痛喊數日而死。

